

睢州志總目

目錄

卷首

序 圖考 凡例

卷一

地里志

星野 疆域 土產 河患 山川 古蹟

卷二

建置志

沿革 城池 寨工 公署 街道 倉廩

學校 書院 社學 壇祀 寺觀

卷三

建置志

田賦 陵墓 風俗 隆賢 郵政

卷四

官師志

州官名宦 儒學名宦 署事 州官 學師

衛官

卷五

選舉志

舉人 進士 貢士 薦舉 封贈 恩蔭

武舉 武進士 例貢 監生

卷六

人物志

名臣 仕宦 正學 武功 義烈

卷七

人物志

孝子 隱逸 獨行 文苑 方技 仙釋

卷八

人物志

孝女 孝婦 烈女 烈婦 節婦

卷九

藝文志

記

卷十

藝文志

序辨說書啓引傳誌銘碑
表

卷十一

藝文志

詩

卷十二

存遺志

姓氏
封爵
遺事
災異
兵寇

續修睢州志卷之七

人物志

孝子

明

張應時庠生父綸母袁氏卒應時廬墓側大雨驟作獨墓閒十餘步無雨有野狐十餘隨行盤旋不忍去一夕夢母欲食韭時隆冬不可得忽見路旁一叢取半以祭明日再往無有也其孝感如此提學楊惟聰聞之往拜其家

田原睢陽衛人儒學生員年十五讀詩至蓼莪心惻然長能孝養每與賓筵值時物親未嘗者不敢先嘗遇親怒必跪其前怒解乃起父雄卧病經年朝夕侍側不少懈湯藥嘗而後進母閻氏畏雷及卒遇天雨必至墓前跪祝曰原在此母勿懼霽始還

孫璽睢州人嘉靖初璽父爲王堂賊所執請以身代堂義而釋其父且令羣盜不入其家嘗出遊見途有遺金候三日還其主封識宛然

軒中雉中繩兄弟皆睢州生員爲父母廬墓六載士

民公舉督學額其門曰純孝真儒同時有生員楊廷佐父歿廬墓

皇朝

張浩睢州人性篤孝父母歿廬墓三年墓旁產芝人
以爲純孝所感

張偉略浩之子克養親志親歿廬墓不改父行負土
築墳不閒寒暑處家庭善忍五世同爨於宗族鄉黨
尤敦任卹兒童咸目爲張孝子郡守僚佐爭表其閭
以上舊志

劉國友字岐山偉軀幹豪邁負奇氣明李兵亂約鄉
閭爲禦防計流賊大至母罵賊死父被掠空舍中
會日暝賊歸營睡且斂乃潛至舍脫父及同縛者偕
逸甫出聞別室扁婦女百餘人啼號甚慘謀往救眾
懼不及且驚賊國友毅然奮臂壞門出婦女而火其
室持利刃負父逃賊覺太駭愕歎爲真孝子竟縱之
去睢境平奉父歸養慟母節烈未得旌典每謂子坤
曰吾遭亂失學欲顯親揚名而不遂所志爾其勉之
後以子貴

封徵仕郎翰林院檢討壽七十九歲

卒於康熙三十五年

吳際隆字仲斤淇之弟事母孝母九十餘際隆且七十母病侍湯藥晝夜榻間不少懈母揮之去不聽母怒際隆暫出坐窗外時盛寒身裹一被聞呻吟則舐窗竊視病愈乃復寢踰年母卒居喪哀毀

傳論道生員宏志子居喪哀戚無咎色不飲酒食肉

居常默默人或譴之不應再言則淚涔涔下人知居

喪故愧謝焉時方童年與人言類皆古人事未幾卒

以上所載吳際隆傳論道二傳舊志係在獨行今移於此

孟懷昌字西源同知傳子也六歲喪母自少而壯
而老每念母輒涕泣弱冠入庠出嗣伯父生父歿家
漸貧迎養本生繼母供甘旨教幼弟讀書成立嘉慶
癸酉歲大祲游幕棗強縣得修脯悉歸弟以奉繼母
並竭資爲生父營葬常與弟言處世以誠爲主
不容存一私故家室終身無閒蓋真能踐其言者
孟承謨字丕顯幼受孝經小學輒志躬行常爲叔璞
後事嗣父如本生母疾日馳四百里以醫藥治得愈
宗族稱其孝學淹貫尤邃三禮以明經選涪州訓導

若喪廬墓泣血至誠感人服闋除陝州學正竟不赴
家塾延名宿教子弟以縣書香至今罔替

趙璧字完亭事母孝年十九卽食餼屢薦不售絕意
仕進教授生徒資束脯以養母及門有過諄諄勸之
改悟無疾言遽色後璧年八十母年且百猶依依膝
下若孺子母性悅花木盈階夾徑種植殆徧花時必
設饌奉母賞玩蒼顏白髮懽笑母前時或拈毫賦詩
母顧而樂之母逝世璧亦尋卒

孟珍字藏若舉郡文學幼有至性七歲喪父哀動鄰

里每見父執輒涕曰見公思我父也事母曲盡孝養
愛弟甚篤親族貧乏罔不恤有艱於婚喪者竭力助
之置義塾多所成就晚年好學不倦鄉人士及州大
夫咸推重之舉鄉飲正賓

陳思俊字銘臺邑庠生性至孝母病寒夜冒冰霜必
立窗前問安否後復患疫六日不食思俊亦六日不
食母責之思俊趨出少選入給母曰兒已食矣母卒
廬墓三年未嘗一至家鄉黨皆稱之

袁秉湘字海亭邑增生幼喪母事繼母以孝父失明

永湘先意承志得歡心咸豐九年拾匪突至家秉湘
守親不去賊歎曰真孝子也遺以食物而去

吳學雍字子邵廩生際隆子也秉性耿介於人無所
昵就事親尤孝父歿人不忍聞其哭聲一日見庭花
嗚咽不已顧謂子曰汝祖不見此矣中年多病念同
父唯一姊篤愛周至時代姊縫衣止之則惻然曰姊
老弟病能長爲此耶病已殆母居屋爲雨所壞聞之
驚起力疾往視母安寢無恙乃就息越五日卒里人
扁其門曰孝德可風

朱楚白事母至孝母卒廬墓三年席薪枕塊不茹葷
飲酒晨夕哀聲徹鄰里鄉人感其誠上其事於郡守
孫公公命立孝子碑誌其里

王省歲貢生事親孝父母相繼歿廬墓席草不飲酒
茹葷嘗有靈鵲繞戶異犬卧側人以爲孝感邑人爲
題其門曰孝子里

馮鼎字鑾九貢生有孝行好讀書恥與市僧伍曰不
敢以辱身者辱親也

袁周鼎字貢九四歲喪母賴繼母郭撫養成立郭嚴

厲鼎仰承色笑纖忽無忤父與繼母相繼歿歆粥一月廬墓三年性好施鄉鄰貧苦不給者多賴以全活馮昂字滄曉以孝行顯由國學生任江南常州府同知調雲南蒙化府皆有惠政常民有清正循良之頌乾隆中引見

上特稱爲孝子歿後常郡建專祠

辛奢父爲賊掠奢奮力赴救父出而身被重傷死

王允昌監生事母湯氏以孝聞咸豐間賊匪往來允昌貧母復多病乞貸以養避亂王橋寨寨破允昌倉

皇負母逃遇賊脅入夥允昌曰我有老母萬難相從
賊怒將刃之一人曰此孝子也可聽之去遂負其母
入城人以爲孝格兇頑云